



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Vita Et Gloriosa Passio, S. Nestoris, Episcopi Pergensis, ex ea quæ est apud Surium, ex antiquiſſimis Martyrologijs. Martyrio occubit. Anno Christi 254. Sede vacante. Decij Imp. II.

urn:nbn:de:hbz:466:1-42667

num ad se accedentem, & graui cum ira cuida
 Michaeli iubentem, vt strictum ensem in viscera
 eius fortiter vibraret. Ille verò iussui morem ge-
 rens, gladio Imperatorem transegit. Hæc visio cū
 Imperatorem in summas angustias impelleret, vt
 visionis veritatem anteuertret, Michaëlem illū,
 in sancti monasterio diligenter inquisiuit: & mul-
 tos monachos carceribus & tormentis subiecit,
 dicebat nocturnum eius interfectorem, per eos si-
 bi esse indicandum, quem etiam vt imperij euer-
 sorem, extrema quæque passurum fremens mina-
 batur. Cogebat enim metus visionis, vel inuitum
 monachis cuncta narrare. Vix sex dierum spatiū
 intercesserat cū visionis veritas adimpleta est.
 Nam Michaël eum interfecit, & scepra ab eo im-
 perij extorsit, posseditq;. Sed tempus me deficiet,
 si cuncta præclari & diuini Patris miracula nar-
 rare velim; quare quod reliquū est, nos eius virtu-
 tibus & fide excitati, pari studio & diligentiâ hære-
 sim profligare, & pietatem ac fidem sinceram,
 contra hæreticorum perfidiam ac rabiem, tueri
 conemur.

Leo Impes-
 zator Ico-
 nomachus
 sub mortē
 quid vide-
 rit.

Michaël
 Balbus, Leo-
 nem inter-
 fecit.

VITA ET GLORIOSA PASSIO, S. Vide Celsæ
 Nestoris, Episcopi Pergensis, ex ea qua est apud Su-
 rium, ex antiquissimis Martyrologijs. Marty-
 rio occubuit. Anno Christi 254. Sede
 vacante. Decij Imp. II.

S. Vide Celsæ
 Baron. Ann.
 Tom. 2.

Ex eorum, cælestium planè athletarum, nu-
 mero, qui Decij tyranni tēpestate viriliter
 cōtra vim ac potentiā dæmonum decertā-
 runt: non infimus est beatissimus Nestor; qui Epi-
 scopali munere fungens, tanta fide & religione,
 tanta humilitate & modestia emicuit, vt ipsi eti-
 am Irenarcho vita & conuersatio eius esset for-

26. Februa:

Ddd midæ

Nestoris vi-
tam etiam
Irenarchus
veretur.
Martyres in
Pamphylia
sub Pollio-
ne Præfide,

midabilis, nec literis tyrannicis apud illum agere, aut illi se opponere auderet. Erat tum in Pamphylia, Præses Pollio, qui Christianos ad edenda idolis immolata, compellebat. Passi sunt autem beati martyres Papias, Diodorus, Comos & Chydianus. Porro Irenarchus communicato cum suo consilio definiuit, Nestorem ante omnes comprehendendum esse, aliter enim, dicebat aduersus Christianos nunquam præualebimus. Hæc cum Nestorem minimè laterent, pro commisso sibi grege vehementer sollicitus, pro se vero nihil nocte ac die in domo sua, tanquam bonus pastor Dominum precabatur, vt gregem à luporum morsibus præseruaret.

Cingitur ab
hostibus, do-
mus eius.

Interim quidam ex ciuibus nequitia & improbitate insignes, domum eius vndiq; circumdant, & vnus magnis vocibus Nestorem vocat. Qui completis precibus foras ad eos egressus, ab illis reuerèter satis submisso capite honoratus est. Quibus Nestor, Ecquænam, inquit, filioli causa est, quam huc ad nos accessistis? Responderunt illi.

Consignat
se cruce.

Omnia curia vocat te. Ille itaque signo se crucis muniens, placidè admodum eos sequebatur. Vbi autem in forum ventum fuit, protinus ab omni curia honorificè salutatus, fuit inter alia subleuia, in thronum satis magnificum collocatus. Cumque Nestor cur isthuc facerent, quæretet, illi responderunt, Facimus hoc pro dignitate, quam tua vita & conuersatio sic meretur. Ille vero sollicitus, inquit, mihi hætenus honoris habitum elicitate iam, cur me accersiri volueritis. Tùm Irenarchus: Nosti, inquit, Domine edictum imperatoris? & Nestor, Ego, ait, præceptum non Imperatoris, sed omnipotentis Dei noui. Cui Irenarchus

Constanter
respondet
Irenarcho.

Assentire, inquit, nobis, Nestor, prompto, & tranquillo

nullo animo, ne ad tribunal iudicis voceris. Ego vero respondit Nestor, cælestis regis præce-
ptus & voluntati assentior. Tum Irenarchus: Cer-
te, inquit, dæmonium habes. Immò dixit Nestor,
viam à dæmonibus vos immunes essetis, nec
dæmones coleretis. Itanè, inquit Irenarchus, ho-
mo importunissime, ausus es Deos nostros dæmo-
nes appellare? Atego apud Præsidentem efficiam,
vt tormentis adactus, eos veros Deos esse confi-
tearis.

Sanctus Nestor, cum crucis signum sibi impres-
isset, quid tu, inquit, mihi tormenta minaris? E-
go neque tua, neque Præsidentis tormenta quidquam
timeo, sed ea quæ mihi Christus Deus meus mi-
natur. Porro Irenarchus, Pergam statim, cum Ne-
store profectus est. In ipso autem itinere martyr,
excitato subito terræ motu, & voce cælitus ad e-
um dilapsa mirificè ad certamen est confortatus;
adeo vt tribunali Præsidentis Pergæ, ab Irenarcho
oblatas, vultu oculisque, mirabilem animi forti-
tudoem declararet. Præsides verò, cum de nomine
illum suo percunctatus esset, & ille se Christia-
num esse, ac Nestoris nomen obtinere respondi-
t, pone, inquit, dijs thura, & ego te honoribus ac
diuitijs auctum, sacerdotum nostrorum princi-
pem constituam. Tum sanctus martyr sublatis,
cum eximia pietate, ad cælum oculis, cruce se si-
gnauit: & conuersus ad Præsidentem dixit: Etiam si
vtrius corpusculum hoc tormentis subijcias, si
vincula, si bestias, si ferrum adhibeas, nunquam
certe adduci poterò, vt nomen Domini mei, su-
per omnia benedictum, perfida negatione con-
culcem.

His dictis, iussit eum Præsides in equuleo suspen-
sus, crudelissimè torqueri. Nec mora, ministri
Ddd 2 furore

Cruce se si-
gnat.

Ducitur ab
Irenarcho
Pergam.

Præclara
martyris
confessio.

Torquetur
atrocissime.

Insignis for-
situs.

furore crudelitatis armati, latera ferreis virgulis immaniter secant, & costas carnibus nudae, sed martyr tantis tormentis foedatus, vel potius ornatus, voce iucunda Domino psallebat, adhibens Iudicem in maximam admirationem & penè in stuporem traheret. Cum autem turba horrendi clamoribus, ut eum Praeses è medio tolleret, vociferaretur; Visne, dixit, Praeses, dijs sacrificare, & esse nobiscum? an mauius adherere Christo crucifixo sub Pontio Pilato; Cui sanctus martyr in Christo bene confidens respondit; sceleratissime fili diaboli, non modo tu Dei confectum non vereris, sed me quoque ad eandem sceleris communionem pertrahere conaris? Cum CHRISTO Deo meo semper fui, & sum, & ero.

Crucifixus
martyr, confirmat
Christianos.

Videns itaque Praeses, insuperabilem animi eius constantiam, crucis eum sententia damnauit. Fuit continuè impiorum manibus cruci affixus, è qua tanquam è cathedra Christianos docebat, atque in fidei constantia confirmabat. Cumque omnes perfusi lachrymis, ab eius ore penderent, tandem viribus exhaustus, Filioli, inquit, oremus & flectamus genua ad Deum, per Dominum nostrum Iesum Christum. Omnibus autem in genua prouolutis, & simul ipso de cruce orante, cum dixisset, Amen, obdormiuit in Domino.

Vide
Cez. Baron.
Tom. 5.
Annal.

VITA S. PORPHYRII, EPISCOPI GA-
LE, ex ea, quam Marcus eius minister & familiaris,
prolixè admodum conscripsit. Extat apud Me-
taphrasten. Claruit anno Christi 398.
Anastasiy Papa 1. Arcad. &
& Honor Imp. 4.